

Sarkina Bt Mat Saad @ Shaari

From: Unit Komunikasi Korporat
Sent: Wednesday, September 13, 2017 2:05 PM
To: UUM - All Staff; UUM - All Students
Subject: UUM Ungguli Kejujutan Golf Persahabatan Dengan PDRM Kedah



Unit Komunikasi Korporat
CORPORATE COMMUNICATION UNIT
Universiti Utara Malaysia



13 SEPTEMBER 2017 / 22 ZULHIJAH 1438H

=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Seksyen Media
Gambar oleh: Abdul Halim Husain

UUM UNGGULI KEJOHANAN GOLF PERSAHABATAN DENGAN PDRM KEDAH



UUM ONLINE: Universiti Utara Malaysia (UUM) telah mengadakan perlawanan golf dengan Polis Diraja Malaysia (PDRM) Kedah pada Kejohanan Golf Persahabatan Antara Pasukan Golf UUM dan Polis Diraja Malaysia (PDRM) Kedah, baru-baru ini.

Seramai 40 pemain yang mana 20 daripadanya masing-masing dari pasukan PDRM yang diketuai Dato' Asri Yusoff dan pasukan UUM diketuai oleh Prof Ir Dr Che Sobry Abdullah telah berentap di lapangan golf UUM.

Pasukan golf UUM telah menguasai kejohanan dengan catatan keseluruhan 1855 berbanding pasukan PDRM yang hanya mencatat 1952 dengan perbezaan sebanyak 147 pukulan.

Prof Ir Dr Che Sobry dalam ucapan beliau berkata, pertandingan ini bukan sahaja merapatkan hubungan yang terjalin antara UUM dan PDRM Kedah, tetapi menjadi medium perkongsian maklumat dalam aspek UUM sebagai organisasi akademik dan PDRM sebagai organisasi keselamatan.

Katanya, kedua-dua organisasi ini mempunyai tanggungjawab dalam usaha memacu hasrat dan dasar pembangunan kerajaan.

Sementara itu, Dato' Asri berkata, pertandingan tersebut bukan sahaja menjadi satu persaingan dalam aspek sukan, malah lebih kepada impak multilateral iaitu menjurus kepada hal keselamatan, perkongsian pintar antara PDRM dan UUM serta aspek-aspek yang memerlukan kerjasama antara UUM dan PDRM.

"Kelestarian persekitaran UUM juga secara tidak langsung akan memberi impak kepada masyarakat luar untuk datang ke UUM, justeru aspek keselamatan juga perlu diberi perhatian dan keutamaan.

"UUM bukan sahaja terkenal dengan lembah akademik tetapi apabila siapnya lapangan golf 18 lubang di UUM, saya yakin UUM akan lebih menjadi tumpuan dan terkenal dalam sukan golf," ujarnya yang turut menyampaikan hadiah kepada semua pemenang.

Beliau juga berharap hubungan PDRM Kedah dan UUM akan berterusan dan pertandingan persahabatan seperti itu akan diadakan setiap tahun bagi mengukuhkan hubungan sedia ada.

Juara keseluruhan kejohanan dimenangi pasukan UUM, manakala bagi kategori individu diungguli Prof Dr Abdull Sukor Shaari di tempat pertama, Muslimin Wallang (kedua) dan Shukri Saad (ketiga) yang mana kesemuanya dari UUM.

DARIPADA:

**UNIT KOMUNIKASI KORPORAT
UNIVERSITI UTARA MALAYSIA**

☎ 04-928 3048/3049/3052/3061

☎ 04-928 3053

✉ ukkuum@uum.edu.my

📘 Universiti Utara Malaysia (Official FB)



**AACSB
ACCREDITED**



**ASSOCIATION
AMBA
ACCREDITED**



**STARS
RATED FOR EXCELLENCE
2012**

**AUN-QA
All Teaching Quality**



**BETA
GAMMA
SIGMA**



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.